

## ԱՇԽԱՐՀԸ ՈՐՈՇ ՉԱՓՈՎ ԲԱՖՖԻԱՅԵԼ Է

Հրապարակված է ՄԱՐԱՏ ՅԱՎՐՈՒՄՅԱՆ, [civilnet.am](http://civilnet.am), չորեքշաբթի, 13 մարտ, 2013

Հացագողուլի շորրորդ օրն է: Ինչ-որ բան հաստակ է: Ի՞նչ- կհարցնենք:- Չգիտեմ: Հույս ունեմ՝ Բաֆֆին գիտի: Նա խոսում, ասում է՝ հանրահավաքներին, մամուլի ասուլիսներին, բարեկիր: Ասում է արևելահայերենի ու արևմտահայերենի խառնուրդով: Ափսոս խառնուրդից միայն արևելահայերենին եմ տիրապետում: Տիրապետում, ոչ թե՛ հասկանում ընդհանուր գծերով կամ ենթագրերով:

Խառնուրդը, անշուշտ, հասկանալի է, բայց կառուցվածքը, միտքը, որը կաղապարված է այդ խոսքում, հասկանալի չէ: Հետագիծն էլ է հասկանալի, բայց ինչ նկատի ունի նա, երբ ասում է՝ «Մահմանադրական դատարանն ունի վերջին հնարավորությունն իր հետագիծը մաքրելու»:

Երկար, շատ երկար նա խոսում էր ինքնաբացարկի մասին: Բառն ինձ ոչինչ չէր ասում: Բառ է, իր համար բառ: Նշանակություն ունի, կիրառվում է, ասոցիատիվ կապեր ունի, կոննոտացիաներ՝ հիմնականում ընտրություններից առաջ (!) թեկնածուներից մեկի ինքնաբացարկի, հետո: Բայց այն հրաժարական չէր, առավել ևս՝ «Սերժիկ հեռացիր» ասոցիատիվ կապերով: Ու հիմա նոր եմ հասկանում, որ Բաֆֆու ասած «ինքնաբացարկը» իմ բառապաշարի «հրաժարականն» է, թեև առանց «Սերժիկ հեռացիր»-ի ու «մոնղոլ-թաթարի», ու դեռ պարզ էլ չէ, արդյոք մենք նույն սիգնիֆիկատի մակարդակում ենք:

Իհարկե, նա երբեմն փորձում է նաև ինձ համար հասկանալի խոսել՝ «ասում ենք՝ էլ երբեք չի լինելու զազնայա սկորոստ»: Դե իհարկե, նա նկատի ունի՝ զազնի չի դնելու: Բայց թե՛ հասկացա: «Պօեզդ նե ուշյուն» էլ էր հասկանալի, չնայած էլի ուուներենով էր:

Ու երբ նա ասում է՝ «դա իրենք կանեն իմ դիակի վրա», ինձ համար պարզ չէ, արդյոք նա նկատի ունի «չերեզ մոյ տրուպ»-ի հայերեն կալիան՝ «դա իրենք կանեն իմ դիակի վրայով»: Չգիտեմ, չեմ հասկանում: Չեմ հասկանում «Աշխարհի րաֆֆիական նախիվ պատկերի» մակարդակում: Մենք տարբեր ենք (տարբերությունը երբեմն սփյուռք-ով կազմվող բառաբարդումներն են արտահայտում):

Լևոն Տեր-Պետրոսյանը պարբերաբար խոսում է 2008-ի քաղաքական համալսարանի մասին: Մեզանից շատերը քաղաքական կրթություն այդ համալսարանում են ստացել՝ իր մեթոդով, աշխարհի իր պատկերով ու իր բառապաշարով, միֆական իր շղարշով, իր տրամաբանություններ և այլն, և այլն:

Այսօր 2008-ը չէ: Ուզում ենք, չենք ուզում, գնահատում ենք, չենք գնահատում, «թոնում ենք 2008-ի վրով» կամ «չենք թոնում»: Բաֆֆին այլ կերպ է խոսում: Գործելը դեռ մի կողմ: Դա դեռ ժամանակ կունենանք տեսնելու: Նա փորձում է նաև ինձ հետ ու ինձ հասկանալի լեզվով խոսել: Ես էլ փորձում եմ հասկանալ: Արդյունքն առայժմ այն է, ինչ նախընտրում եմ անվանել «իռացիոնալ իմպրովիզ»:

Ի՞նչ նկատի ունեմ:

Ժողովրդական իմաստությունը (ասել է թե՛ հայրս ու նրա հայրը) ասում է՝ դեին դժոխքը պիտի ցույց տալ: Մեկ այլ իմաստություն էլ ասում է՝ «Ասիմետրիկ է պետք դեի հետ, մարդ ես, մեկ էլ տեսար՝ ոչ բոլոր գլուխները հասցրեցիր թոցները»: Հիմա սիմետրիկ է պետք, թե ոչ այնքան սիմետրիկ, էլի ժամանակը ցույց կտա: Մուհամեդն է ավելի ծանր (կշռով), թե սարը, էլի ժամանակը ցույց կտա:

Ժամանակն ամեն ինչ ցույց կտա:

Թվում է, անսահմանափակ ժամանակ ունենք, ու մեր երեխաներին հատկացված ժամանակներն էլ է մերը: Հիմա չլինի, մի հինգ տարուց կլինի՝ Մոսկվան միանգամից չի կառուցվել (Երևանը երկու հազար յոթհարյուր չգիտեմ քանի տարում այդպես էլ քաղաք չդարձավ, սա, ի դեպ): Չգիտեմ, ունենք ևս հինգ տարի, կամ դրանից հետո էլի հինգ տարի ու այսպիսի հինգ տարիների անվերջ շարան:

Ես չգիտեմ, ես Ռաֆֆիի արևելա-արևմտահայերեն աշխարհընկալումը՝ բառաբարդված «սփյուռք»-ով, չեմ հասկանում: Միգուցե շատերը չեն հասկանում: Բայց ես ժամանակ չունեմ: